

Akileraartarnermi Pisortaqarfimmit**nalunaarut nr. 292 21. december 1992-imeersoq****Akileraarutinut akilig assanut matussutissanik akissarsianit ilanngartuussinermi procenti killissarititap allanngortinneqarnera.**

Aningaaarsianit akileraarutit pillugit Inatsisartut inatsisaata allannguutissaatut Inatsisartut inatsisaanni nr. 21, 30. oktober 1992-imeersumi § 1, nr. 6-ikkut akissarsianit ilanngartuussinermi procenti allanngortinneqarpoq aningaaarsianit akileraarutit pillugit inatsimmi § 81, imm. 6, oqaaseqatigiit aappaanni allassimasoq 15%-imiit 30%-imut, 1. januar 1993- imi atuutilersussamik.

Procentip akiligassallit ataasiakkaat akissarsiaannit ilanngartuussutigineqartussap angissusissaa pineqartup piffissami tassanerpiaq aningasaqarniarnerata ataatsimut naliliivigineqarneratigut pisassaaq, tamatumani ilaallutik allanut akiligassat annertussusaat.

Innuttaasoq, aningaaarsianit akileraarutit pillugit inatsit naapertorlugu akilersinniagassanik akileraarutaannarnut akiligassaqarpat, akileraarutit peereerlugit akissarsiaasa 30%-iinik nalinginnaasumik ilanngartuisoqarsinnaavoq.

Akileraarutinut akiligassanut akiligassanullu allanut pinngitsaaliilluni akissarsianit ilanngartuussinerup, akileraarutit peereerlugit akissarsiat $33\frac{1}{3}\%$ -ii sinnersinnaanngilai, takuuk eqqartuussisarnermi inatsimmi kap. 7, § 12, imm. 2-mi killiliussaq.

Nammineq piumassutsimik akilersuinissamut isumaqatigiissutit killiliussamut matumunnga qilersorsimasuunngillat.